

四庫全書

史部

欽定四庫全書

史部

御批歷代通鑑輯覽卷十一

詳校官侍講_臣王燕緒

編修_臣裴誦覆勘

總校官進士_臣程嘉謨

校對官編修_臣吳舒帷

謄錄監生_臣何清

御批歷代通鑑輯覽卷十一

御批歷代通鑑輯覽卷十一

秦世三井甲午
始皇二十五年

始皇帝

嬴姓伯益之後
伯益見前
名政莊襄王子
生于趙故初姓趙氏後歸秦

嗣為王遂滅六國并天下

二十六年生貴襲齊王建降遂滅齊
田齊自太公和至王建凡七傳

而為

初齊王建年少國事皆決于君王后

襄王后太史氏

君王后

事秦謹與諸侯信齊亦東邊海上秦日夜攻三晉燕

楚五國各自救以故王建立四十餘年不受兵及君

王后卒后勝

魯有邱氏其後去邑從后

相齊與賓客多受秦間金

勸王朝秦不修戰備不助五國攻秦秦以故得滅五

國

齊王將朝秦雍門司馬曰所為立王者為社稷邪為王邪王曰為社稷司馬曰為社稷立王王何以

去社稷入秦王乃還即墨大夫聞之見王曰齊地方數千里帶甲數百萬今三晉大夫不便秦而在鄆阿之間者百數王收而與之數萬之衆使收晉故地即臨晉之關可入矣鄆鄆大夫不欲為秦而在城南下

者百數王收而與之數萬之衆使收楚故地即武關
可入矣如此則齊威可立秦國可亡何西面而事秦
邪主不聽臨晉關即古蒲津關今曰大
慶關在同州府朝邑縣東餘注俱見前至是王賁

自燕南攻齊猝入臨淄民莫敢格者建遂降秦遷之

共注見

處之松栢之間餓而死

齊人怨建聽姦人竇客不蚤與諸侯各從

以亡其國歌之曰松邪栢邪住建共者客邪

初號皇帝除諡法

王既并天下令丞相御史

秦官一名曰柱後史即周柱下史也主四方文書

議帝號于是丞相綰

王御史大夫侍御史之率劫馮

廷尉

秦官掌刑辟

斯

李斯

等皆曰陛下

陛階也蔡邕曰天子必有近臣立于陛側

羣臣與天子言不敢指斥故呼在陛下者與之言因卑遠尊之意也

平定天下海內為

郡縣自上古以來五帝所不及臣等謹與博士

秦官掌通

古議曰古有天皇地皇泰皇

史記索隱泰皇人皇也

泰皇最貴

請上尊號王為泰皇命

除拜遣議曰命

為制

謂制度之命

令

布告中外

曰為詔也

天子自稱曰朕

古者君臣之間通稱曰朕自秦定制唯天子獨稱之

王曰去泰著皇采上古帝位號號曰皇帝他如議追

尊莊襄王為太上皇制曰死而以行為諡是子議父

天運終始讖緯
所祖說肇于鄒
衍用始于秦皇
漢以後遂因之
改朔易服且遠
溯羲農而相生
相勝議如聚訟
不知帝王肇興
本由天命天命
固不在五行之
數也更由人事
人事亦不在五

臣議君也甚無謂自今以來除諡法朕為始皇帝後

世以計數二世三世至于萬世傳之無窮

定為水德以十月為歲首

初齊人鄒衍鄒以邑為氏衍居齊稷下與鄒奭並著書言治亂齊人頌之曰談天衍雕龍奭

論著終始五德之運漢書注如淳曰衍書有五德終始五德各以其勝為行章潢圖

書編五運之說始于鄒衍漢賈誼司馬遷從衍相勝之說劉向父子則以相生為言主相勝者以火能滅

金即以火勝金金能尅木即以金勝木論相生者則曰帝出乎震故庖犧氏始受木德後以母傳子終而

復始皇采用其說以為周得火德胡三省注衍以周得火德蓋以火流

行之數也以木
金水火土數為
皇極運世之樞
紐其不經亦甚
矣

兵器雖銷而揭
竿斬木之徒不
旋踵而起究何
益哉吾邱壽王
禁挾弓弩之對
可謂知言

王屋為周受命之符
且服色尚赤故也

秦代周從所不勝為水德于是

更命河為德水始改年朝賀皆自十月朔衣服旌旄

節旗皆尚黑

水北方
故黑色

數以六為紀

水成數六故以六
寸為符六尺為步

事統尚法

臣瓚曰水陰陰主
刑殺故尚法令

分天下為三十六郡銷兵器徙豪傑於咸陽

丞相綰等言諸侯初破燕齊荆

避莊襄王諱
故以楚為荆

地遠不

為置王無以填之請立諸子始皇下其議廷尉斯曰

周封子弟同姓甚衆然後屬疎遠相攻擊如仇讐天

子弟能禁今海內賴陛下神靈一統皆為郡縣諸子
功臣以公稅賦重賞賜之甚足易制天下無異意則
安寧之術也置諸侯不便始皇曰天下共苦戰鬪不
休以有侯王賴宗廟天下初定又復立國是樹兵也
而求其寧息豈不難哉廷尉議是分天下為三十六

郡三川河東南陽南郡九江鄣郡會稽潁川碭郡泗水薛郡東郡琅瑯齊郡上谷漁陽右北平遼西遼東代郡鉅鹿邯鄲上黨太原雲中九原雁門上郡隴西北地漢中巴郡蜀郡黔中長沙凡三十五郡與內史為三郡置守
掌治郡尉掌佐守典
十六郡郡置守尉尉武職甲卒監御史掌更命民

曰黔首

黔黑也凡民以黑中覆頭故曰黔首

收天下兵聚咸陽銷以為

鐘鐻

與虞同音巨所以懸鐘

金人

凡十二重各千石置宮庭中漢書五行志始皇二十六年

有大入長五丈足履六尺凡十二人見于臨洮始皇以為瑞銷兵器作金人以象之一法度衡

石丈尺徙天下豪傑于咸陽十二萬戶

築宮咸陽北坂

徐廣曰在長安西北漢武時別名上渭城寰宇記故渭城在咸陽東北

初諸廟及章臺

在陝西西安府長安縣故城西南隅

上林在長安縣西及藍屋鄠縣

界秦舊苑漢武帝更增廣之

皆在渭南及破諸侯寫放其宮室作

之咸陽北坂上南臨渭自雍門

徐廣曰在高陵縣高陵注見前以東

至涇渭殿屋複道

築起為道不與民庶相雜

周閣

周馳架木為棚而行名曰閣道

相屬所得諸侯美人鐘鼓以充入之明年復作信宮

即長信宮作于渭南已而以宮象天極更名極廟故址在今咸陽縣境

及甘泉前殿

關輔

記林光宮一名甘泉宮始皇造在池陽縣西池陽故城在今西安府涇陽縣西北治馳道于天

所行道孔穎達曰如今御路也

于天下

是年帝巡隴西北地至難頭山過回中秦隴西郡今甘

肅臨洮鞏昌諸府地北地郡今甘肅平涼平涼慶陽諸府地難頭山亦曰莽頭山在今平涼府平涼縣西考史

記黃帝西至崆峒登難頭括地志以崆峒在肅州難頭在原州又以難頭為即崆峒今按史記原文崆峒

難頭自是兩山括地志前說為是後說為非回中宮在鳳翔府隴州西北今曰回城

壬午二十八年帝東巡封泰山

積土為封謂負土于山上壇而祭之泰山注見前

禪梁父

除地為壇後改曰禪梁父泰山下遂遊海上求

神仙南渡江乃還

始皇東行郡縣祠鄒嶧山

亦曰繹山在山東兗州府鄒縣東南禹貢嶧陽詩魯

頌堯繹

頌秦功業召魯儒生至泰山下議封禪

或曰古者

封禪為蒲車惡傷山之土石草木掃地而祭席用菹藉議各乖異菹音祖茅藉也藉讀曰戛禾稊也去

其皮以為席

始皇以其難施用遂絀儒生除車道上自山

陽至巔立石頌德從陰道下禪于梁父封藏皆秘之

世不得而記也

始皇上泰山中坂過暴風雨休于樹下因封其樹為五大夫

遂東

遊海上祠山川八神

史記封禪書八神一曰天主祠天齊淵水二曰地主祠泰山梁

父三曰兵主祠蚩尤四曰陰主祠三山五曰陽主祠之朶六曰月主祠之萊七曰日主祠成山八曰四時

主祠琅琅琊

南登琅琅琊

山名在今山東青州府諸城縣東南

作臺

水經注臺基三層層高五

丈刻石

徒黔首三萬戶于臺下立石刻頌秦德明得意

初燕人宋無忌

史記索隱

白澤圖云火之精曰宋無忌蓋其人大仙也

羨門子高

綱目集覽應劭曰羨門古仙人也字

子高居碣石山上一曰羨門高

之徒稱有仙道形解

即尸

銷化之術

自齊威宣燕昭王皆信之使人入海求蓬萊方丈瀛

洲云此三神山在渤海中

初學記東海之別有渤海故東海兵稱渤海又曰滄

海去人不遠患且至則風引船去嘗有至者諸仙人

及不死藥皆在焉

其物禽獸盡白黃金銀為宮闕未至望之如雲及到三神山反居水

下臨之風輒引去終莫能至云

至是方士徐市

徐氏徐子之後以國為氏等上書

請得齋戒與童男女求之于是遣市發童男女數千

人入海船交海中皆以風為解曰未能至望見之焉

始皇還過彭城

注見前

齋戒禱祠欲出周鼎泗水

史記封禪

鼎淪泗水及鼎出汾陰皆方士荒唐之說而秦皇漢武執迷一

書秦滅周周九鼎入于秦或曰宋太邱社亡而鼎沒于泗水彭城下使千人沒水求之

轍其職更出問
鼎輕重者下矣

子房以蓋世才
乃僥倖于蘇政
荆軻之計蘇軾
所論良是獨是

弗得

水經注泗水南逕彭城縣故城東
秦始皇求周鼎不得所謂鼎狀也乃西南渡淮

浮江至湘山祠

湘山一名君山亦曰洞庭山在湖南岳州府巴陵縣西南洞庭湖中水經

注是山湘君之所遊處故曰君山湘君舜二妃也君山有湘妃廟

逢大風幾不能渡

上問湘君何神博士對曰堯女舜妻葬此始皇大怒

使刑徒三千人伐湘山樹楮也

其山遂自南郡注見前

由武關歸

癸二十九帝東遊至陽武秦縣今屬河南開封府韓人張良字

房皇甫謐曰良韓之公族狙擊狙攬屬狙伺物必伏而姬姪秦索賊急乃更姓名狙擊狙攬屬狙伺物必伏而

次之內車全

御批歷代通鑑輯覽

七

秦法之嚴而大索十日不得此或史家行筆之誤然亦可見無同仇之心而峻網不足恃矣

得

狙誤中副車

屬車也應劭漢官儀天子屬車三十六乘

令天下大索十日不

初韓人張良五世相韓

良大父開地相韓昭侯宣惠王襄哀王父平相釐王桓惠

王及韓亡良散千金之產弟死不葬欲為韓報仇始

皇東遊至陽武博浪沙中

今陽武縣有故城在縣東南秦陽武城也博浪沙在

其良令力士操鐵錐

良嘗學禮淮陽東見倉海君南良令力士為鐵錐重百二十斤狙

擊始皇誤中副車始皇驚求弗得令天下大索十日

良乃更姓名亡匿下邳

秦縣故城在今江南徐州府邳州東

乙酉

三十一年更名臘

禮記月令注臘即周禮所謂蜡祭也蔡邕獨斷臘者歲終大祭縱吏

民燕飲

曰嘉平

自惠文王十二年初臘至是改曰嘉平

茅盈內紀先是邑有歌謠

曰神仙得者茅初成帝欲學之臘嘉平始皇聞之欣然有尋仙之意遂改臘曰嘉平是年命黔

首自實田

自具頃畝實數也

丙戌

三十二年帝巡北邊使將軍蒙恬伐匈奴

先是帝之碣石

刻碣石門壞城郭決通隄防國書傳碣石海畔山水經注案縣碣

石山枕海山有大石如柱形世名天橋柱使燕人盧

生姜姓之後封于盧以國為氏

求羨門子高還奏錄圖書曰亡秦

者胡也始皇乃巡北邊遣將軍蒙恬發兵三十萬人

北伐蒙恬斥逐匈奴收河南地

秦為新秦中漢為朔方郡隋唐為勝州豐

州明為河套今為鄆爾多斯地

為四十四縣築長城起臨洮

秦縣今甘肅鞏

昌府岷州是以地臨洮水故名洮水出鞏昌府洮州西傾山逕蘭州府皋蘭縣入黃河

至遼東

今盛京奉天府東南境及錦州府東北境皆秦遼東郡地

延表延長也南萬餘

里恬常居上郡

今陝西綏德州秦上郡治

統治之

事在三十三年始皇復

使恬除直道道九原

注見前

抵雲陽

故城在陝西西安府涇陽縣西北

塹山堙谷千八百里數年不就

事在三十

丁三十三年略取南越

即百越亦曰揚越漢書注南越

越

地置桂林

今廣西桂林平樂及梧州柳諸府地

南海

今廣東廣韶潮惠肇高南雄諸

也府象郡

其地廣遠今廣東廉雷二府廣西慶遠太平諸府及安南國皆是

發諸嘗逋亡人及贅婿

史記集解男無聘財以身自質于妻家曰贅索隱曰如人

身之有

賈人為兵略取南越陸梁地

史記正義嶺南人多處山陸間

其性強梁

置三郡以謫徙民五十萬人戍五嶺

水經注五

嶺最東曰大庾第二曰騎田第三曰都龐第四曰萌渚最西曰越城大庾在今廣東南雄府保昌縣北

騎田一曰上嶺山又曰黃岑山在今湖南郴州南部
龐亦曰永明嶺在今湖南永州府永明縣北萌渚在
今永州府江華縣西南越城亦曰始
安嶺在今廣西桂林府興安縣北
與越雜處

彗星見

子戊三十四年燒詩書百家語

始皇置酒咸陽宮僕射

秦官顏師古曰僕主也射如字古者重武事每官必有主

射督課
之故名

周青臣

周之後人號曰周家罔以為氏

進頌曰陛下平定海

內以諸侯為郡縣上古所不及始皇悅博士淳于越

春秋州公亦曰淳于公其後以國為氏

曰殷周之王千餘歲封子弟功

淳于越泥于師
古李斯駁之固
是然因此而盡
燒詩書則大非
聖無法不特懲
熱羹而吹薑矣

臣自為校輔今陛下富有四海而子弟為匹夫卒有

田恒六卿之臣

田恒篡齊六卿分晉事俱見前

何以相救事不師古

而能長久非所聞也始皇下其議丞相李斯言五帝

不相復三王不相襲越言乃三代之事何足法也異

時諸侯並爭厚招遊學今天下已定法令出一諸生

不師今而學古聞令下則各以其學議之入則心非

出則巷議誇主以為名異趣以為高率羣下以造謗

如此弗禁則主勢降乎上黨與成乎下臣請史官非

秦記皆燒之非博士官所職天下有藏詩書百家語者皆詣守尉雜燒之偶語詩書者棄市以古非今者族吏見知不舉與同罪令下三十日不燒黥為城旦黥墨刑城旦旦起行治城四歲刑也所不去者醫藥卜筮種樹之書欲學法令者以吏為師制曰可

已丑 三十五年營朝宮作前殿阿房

亦曰阿城在陝西西安府長安縣西北史

記阿房宮未成咸欲更名名之作宮阿房故天下謂之阿房宮索隱此以形名宮言其四阿旁廣也

始皇以咸陽人多先王宮廷小乃營朝宮渭南上林

苑中先作前殿阿房東西五百步南北五十丈上可

以坐萬人下可以建五丈旗周馳為閣道自殿下直

抵南山

在西安府南自終南太白連延至商嶺皆是

表山巔以為闕複道

渡渭屬之咸陽隱宮

史記正義餘刑見于市朝宮刑一百日隱于蔭室故曰隱宮下

蠶室是也

徒刑

奴役也以罪供徭作

者七十餘萬人分作阿房驪山

關中

關中記東自函關西至隴關二關之間謂之關中

計宮三百關外四百

餘因徙三萬家驪邑

臨潼縣東有驪戎城秦驪邑漢改曰新豐

五萬家雲

陽前

注見

盧生說始皇徵行以避惡鬼所居宮毋令人

知然後不死之藥始可得也始皇乃令咸陽旁三百里內宮觀複道相連帷帳鐘鼓美人充之各按署不移徙所行幸有言其處者死于是羣臣莫知行之所在受決事者悉于咸陽宮

始皇嘗從梁山宮望見丞相車騎甚衆弗善也或告

丞相丞相損之始皇怒曰此中人泄吾語捕時在旁者盡殺之梁山宮在陝西乾州永壽縣西北

阮諸生使長子扶蘇監蒙恬軍

侯生

說苑曰韓客

盧生相與譏議始皇因亡去始皇聞之

大怒曰諸生或為妖言以亂黔首使御史按問之

秦制

御史掌討姦猾治大獄

諸生傳

音轉

相告引乃自除犯禁者四百

六十餘人皆阮之咸陽

臨潼縣西南舊有阮儒谷唐明皇改曰旌儒鄉

長子

扶蘇諫曰諸生皆誦法孔子今以重法繩之臣恐天

下不安始皇怒使北監蒙恬軍于上郡

庚寅

三十六年星隕東郡

秦取魏地置東郡治濮陽今直隸大名府開州是

為石

有墜星下東郡至地為石或刻其石曰始皇死而地

分使御史逐問莫服盡誅石旁居人燔其石

是秋有使者從

關東夜過華陰有人持璧遮使者曰為吾遺瀉池君
因言曰今年祖龍死使者問其故忽不見置其璧去

使者奉璧具以聞始皇默然良久曰山鬼固不過知一歲事退而使御府視璧乃二十八年行渡江所沈

璧也
蘇林曰祖始也龍人君象謂始皇
瀉池君服虔曰水神也祖龍

三十七年帝東巡至沙邱
前注見
崩丞相李斯宦者宦

中官趙高
諸趙疎屬
矯遺詔立少子胡亥為太子殺扶蘇

及蒙恬還至咸陽胡亥襲位
是為二世皇帝

十月癸丑始皇出遊丞相斯從少子胡亥愛慕請從

許之至雲夢

澤名在今湖北德安府安陸縣南本二澤雲在江北夢在江南方八九百里後

悉為邑居聚落因望祀虞舜于九疑山
在今湖南永州府寧遠縣

併稱之曰雲夢

南九峯相似望浮江下渡海渚海史記正義括地志以

而疑之故名疑之故名在江之中過丹陽秦縣故城在今太平府當塗縣東

疑海字誤陽楚丹陽熊繹所封在今歸州及枝江者是也吳丹

陽秦為縣漢因之在當塗者是也郡乃于縣稱小至錢塘今縣浙江臨浙江水波惡乃

丹陽以別之里從陋中渡至錢塘里從陋中渡里從陋中渡里從陋中渡里從陋中渡里從陋中渡

于南海立石頌德還過吳從江乘府中在今杭州府餘杭縣上會稽府中在今杭州府餘杭縣上會稽府中在今杭州府餘杭縣

並海上北至琅瑯之罘山名在今山東登州府福山縣東北見巨魚射

殺之始皇夢與海神戰如人狀占之博士曰神不可見以大魚蛟龍為候乃命以連弩候魚出射之

自琅琊至成山弗見至

之杲見巨魚射殺一魚西至平原津

平原趙邑注見前

而病

始皇惡言死羣臣莫敢言死事病益甚乃令中車府

令秦官屬太僕

行符璽事趙高為書賜扶蘇曰與喪會咸

陽而葬未付使者七月始皇崩于沙邱丞相斯恐諸

公子及天下有變秘不發喪棺載輜涼車

卧車也有牕牖閉則

溫開則涼故名後因載喪飾以柳翼遂為喪車

中所至上食奏事如故獨胡

亥趙高及所幸宦者五六人知之初始皇尊寵蒙氏

恬任外將恬弟毅常居中參謀議名為忠信趙高者

生而隱宮始皇聞其強力通獄法以為中車府令使
教胡亥決獄嘗有罪使殺治之殺當高法應死始皇
赦之復其官高既幸于胡亥又怨蒙氏乃與胡亥謀
詐以始皇命誅扶蘇而立胡亥為太子胡亥然之高
曰不與丞相謀恐事不成乃見李斯曰上賜長子書
及符璽皆在胡亥所定太子在君侯與高之口耳事
將何如斯曰安得亡國之言此非人臣所當議也高
曰君侯材能智慮功高無怨長子信之孰與蒙恬斯

曰皆不及也高曰長子即位必用恬為丞相君侯終

不懷通侯

應劭曰舊曰徹侯徹通也言其上通王室也後避漢武諱故曰通侯

之印歸

鄉里明矣胡亥仁慈篤厚可以為嗣願君審計而定

之斯以為然乃相與矯詔立胡亥為太子更為書賜

扶蘇數以不能立功數上書誹謗怨望而恬不矯正

皆賜死扶蘇發書泣欲自殺恬曰陛下使臣將三十

萬衆守邊長子為監此天下重任也今一使者來安

知其非詐復請而死未暮也扶蘇曰父賜子死尚安

復請即自殺恬不肯死使者屬吏繫諸陽周故城在今甘肅

慶陽府真寧縣北更置李斯舍人為護軍秦有護軍都尉還報胡亥

知扶蘇已死即欲釋恬會毅出禱山川還高曰先帝

欲立太子久矣而毅以為不可不若誅之乃繫諸代

遂從井陘抵九原會暑輜車臭乃詔從官令車載一石鮑魚以亂之鮑魚鮑魚也

從直道至咸陽發喪胡亥襲位趙高用事日夜毀惡

蒙氏二世遂殺恬兄弟兄子嬰諫曰蒙氏秦之大臣一旦棄之而立無節行之

人是使羣臣不相信而鬪士之意離也二世不聽使御史曲官之代賜毅死又遣使者至陽周恬對使者

卷十一
曰吾積功信于秦四世矣今將共三十餘萬身雖因繫其勢足以倍畔然自知必死而守義者不敢辱先人之教而忘先帝也乃吞藥自殺

九月葬驪山

注見前

下錮三泉

冶銅錮塞下至三重之泉

奇器珍怪徙藏滿之令匠作

機弩有穿近者輒射之以水銀為百川江河大海機相灌輸上具天文下具地理後宮無子者皆令從死葬既已工匠為機者盡閉之無復得出

二世皇帝

壬辰元年綱目于是歲即分列楚趙齊燕魏諸國考諸國不久即滅亡今不更為分注二年三年所建國

亦倣此冬十月大赦

春帝東行至碣石並海南至會稽而還

二世東行郡縣李斯從盡刻始皇所立刻石旁著大臣從者姓名以章先帝成功盛德

夏四月殺諸公子公主

二世謂趙高曰人生居世間猶騁六驥過決隙也決裂也裂

開之隙言其狹小也吾欲悉耳目之所好窮心志之所樂以

終吾年壽可乎高曰此賢主之所能行而昏亂主之
所禁也然沙邱之謀諸公子及大臣皆疑焉今陛下
初立此其意怏怏皆不服恐為變陛下安得為此樂
乎二世曰為之奈何高曰嚴法刻刑誅滅大臣宗室
收舉遺民貧者富之賤者貴之盡除故臣更置所親
信陛下則高枕肆志寵樂矣二世然之乃更為法律
益務刻深大臣諸公子有罪輒下高鞠治公子十二
人僇死咸陽市十公主死

竹格反
碓也

死于杜即杜陵故
城在西安

府咸寧

縣東南相連逮者不可勝數

公子將閭昆弟三人因于內宮將殺之將閭仰

而呼天者三兄弟皆自殺公子高欲奔恐收族上書請從死先帝得葬驪山之足二世大悅賜錢以葬

復作阿房宮

初始皇作阿房未就而崩遂罷其役至是二世復營

之并徵材士

如淳曰有材多力之士

五萬人為衛狗馬禽獸當

食者多調郡縣轉輸菽粟芻橐皆令自齎糧食咸陽

三百里內不得食其穀

秋七月陳勝

字涉陽城人

吳廣

字叔陽夏人

起兵于蕲

今江南鳳陽府宿州

南新縣故城是勝自立為楚王以廣為假王擊滎陽前注見

是時發閭左

閭里門應劭曰秦以誦發戌先發更有過及贅壻賈人嘗有市籍者曹輩盡復

入閭取其左發之未及發右而秦戌漁陽故城在順天府密雲

縣西者九百人屯大澤鄉在宿州西南陳勝吳廣為屯長

會天大雨道不通度已失期法皆斬勝廣乃相與謀

勝曰天下苦秦久矣今誠以吾眾為天下倡宜多應者廣以為然共殺將尉尉官名將領戌

卒故曰召令徒屬曰公等皆失期當斬假令毋斬而

戌死者固什六七且壯士不死則已死則舉大名耳

王侯將相寧有種乎衆皆從之乃詐稱公子扶蘇扶

被殺百姓項燕燕之死或為壇而盟稱大楚勝自立

為將軍廣為都尉攻大澤鄉拔之攻蕘蕘下徇蕘以

東行收兵比至陳車六七百乘騎千餘卒數萬人陳

守丞戰死遂入據之初大梁人張耳陳餘耳及魏公

為客餘年少父在陳為里監門秦滅魏重賞購二人

事耳為刎頸交陳勝既入陳耳餘詣門上謁勝素聞二人賢

見之大喜陳中豪傑父老請立勝為楚王勝以問耳

餘對曰秦為無道滅人社稷暴虐百姓將軍出萬死之計為天下除殘今始至陳而王之示天下私願將軍毋王急引兵而西遣人立六國後自為樹黨如此

野無交兵

六國皆為與國則兵不交鋒

誅暴秦據咸陽以令諸侯

則帝業成矣不聽遂自立為王號張楚

劉德曰張大楚國也

勝少時嘗與人傭耕隴上悵然甚久曰苟富貴無相忘傭者笑曰若為傭耕何富貴也勝太息曰嗟乎燕雀安知鴻鵠之志哉及為王其故嘗與傭耕者聞之乃之陳伺勝出遮道而呼勝乃載與俱歸入宮見殿屋帷帳曰夥頤涉之為王沈沈者夥頤方言嘆其物盛大而多之辭當是時諸郡縣

告秦法皆殺其長吏以應勝使從東方來以反者聞
二世怒下之吏後至者曰羣盜鼠竊狗偷郡守尉方
捕逐今盡得不足憂也乃悅勝以廣為假王監諸將
擊滎陽廣尋為裨將田臧所殺廣圍滎陽李斯子由
能下田臧以廣不知兵矯勝令殺之而奉其首于
勝勝即以臧為上將西迎秦軍臧敗死事在二年

楚遣諸將徇趙魏以周文為將軍將兵至戲今臨潼縣
東北有戲

亭戲水所逕戲少府秦官掌山林
池澤之稅章邯齊太公支孫封
鄣其後去邑為

章氏邯拒之楚兵敗走綱目于是條
將軍將兵伐秦劉友益曰夷秦

子刊國也考史例紀一朝之事則以一朝為統秦雖無
道二世猶居帝位綱目既用以紀年不應直斥為秦且
于此以後既已書秦而望夷之弑則又書帝書法亦不
畫一今于提綱改書其目及分注依左傳稱周人之例
仍稱秦漢以後
各朝皆同此

張耳陳餘請兵略趙地勝以所善陳人武臣

武氏宋武公之

後以諡為氏

為將軍耳餘為校尉予卒三千人徇趙又令

魏人周市徇魏聞周文陳之賢人

文名章嘗為項燕軍視日事春申君

視日占時

習兵與之將軍印使西擊秦勝既遣周

文有輕秦之意不復設備博士孔鮒

弑之子字子魚孔子八世孫陳

陳涉驅戌卒假
楚號所謂烏合

除難者流安能
成事哉孔鮒以
聖裔負禮器而
為之臣豈誠如
史遷所云積怨
而發憤于涉乎
未幾涉敗鮒亦
與之俱死固昧
于所從矣

涉之王魯諸生持孔氏禮
器歸之故鮒為涉博士

諫曰臣聞兵法不恃敵之

不我攻恃吾之不可攻今王恃敵而不自恃若跌而

不振悔無及也不聽文行收兵車千乘卒數十萬至

戲軍焉二世乃大驚少府章邯請赦驪山徒悉發以

擊楚軍大敗之周文走

出關至滎池自刎死事在二年

八月楚將武臣自立為趙王

武臣等從白馬渡河

白馬津名注見前

收兵得數萬人號武

信君下趙十餘城餘皆城守乃引兵擊范陽

秦縣故城在今

直隸保定府定興縣

范陽人

晉大夫蒯得食采于蒯後以蒯徹史記避漢武諱改曰

通說武臣曰范陽令徐公畏死而貪欲降君君無以

為秦所置吏誅殺而以侯印授之使馳驅燕趙之間

則燕趙諸城可無戰而降矣從之不戰而下者三十

餘城張耳陳餘怨陳王不以為將軍而以為校尉又

聞周文敗走乃勸武臣自立為趙王餘為大將軍耳

為丞相使人報陳王陳王大怒欲族武臣家柱國房

君

姓蔡名賜上蔡人為勝上柱國

諫曰秦未亡而誅武信君等家此

生一秦也不如因而賀之使急引兵擊秦陳王從其計使使者賀趙趣發兵西入關耳餘勸武臣毋西兵而北徇燕代南收河內以自廣武臣以為然因不西兵使韓廣畧燕李良畧常山張黈畧上黨

九月劉邦起兵于沛

今縣屬江南徐州府

自立為沛公

漢高祖事始此

劉邦字季沛豐邑

應劭曰沛縣豐鄉也

中陽里人為隆準龍

顏

隆高準鼻顏額額也

愛人喜施意豁如也有大度不事家人

生產作業初為泗上亭長

秦法十里一亭亭長主亭之吏今沛縣東有泗水亭

括地志漢高祖徵時為亭長于此常繇咸陽單父秦

縱觀秦皇帝喟然太息曰大丈夫當如此也

故城在今山東曹州府單縣南人呂公好相人奇其狀貌以女妻之

即呂既而為縣送徒驪山徒多道亡自度比至皆亡

之到豐西止飲夜乃解縱所送徒曰公等皆去吾亦

從此逝矣徒中壯士願從者十餘人季被酒夜徑澤

中有大蛇當徑季拔劍斬蛇有老嫗哭曰吾子白帝

子也化為蛇當道今赤帝子殺之因忽不見季亡匿

芒碭山

在徐州府碭山縣東與河南歸德府永城縣接界

中數有奇怪

所居上常

斬蛇夜哭雲氣上覆多史臣附會興王之詞然以此而惑眾煽亂者亦有之矣

有雲氣呂后與
人從往即得之沛中子弟聞之多欲附者及陳勝起

沛令欲應之掾主吏

秦制官各有掾屬正曰掾副曰屬主吏功曹也

蕭何曹

參

蕭與曹皆以國為民何參俱沛人

曰君為秦吏今背之恐子弟不

聽願召諸亡在外者以劫衆乃召劉季季之衆已數

十百人矣令悔閉城

欲誅蕭曹蕭曹恐踰城保劉季

季乃書帛射城

上遺沛父老為陳利害父老乃率子弟殺令迎季立

以為沛公蕭曹為收子弟得二三千人以應諸侯

祠黃

帝旗幟
皆赤

楚項梁起兵于吳

項梁下相

故城在今江南徐州府宿遷縣西

人楚將項燕子也嘗殺

人與兄子籍避仇吳中吳中賢士大夫俱出其下

吳中

每有大繇役及喪梁常主辦陰用兵法部勒賓客及子弟以是知其能

籍字羽少時學

書不成去學劍又不成梁怒之籍曰書足記姓名而

已劍一人敵不足學學萬人敵梁乃教籍兵法籍大

喜略知其意又不肯竟學籍長八尺餘力能扛鼎

也舉鼎

才器過人

始皇東遊會稽渡浙江梁與籍觀籍曰彼可取而代也梁掩其口曰無妄言族矣

會稽守殷通

武王克商子孫分散以殷為氏

素賢梁聞陳勝起欲發

兵應勝使梁將梁請召籍籍入梁眛

音舜動目籍籍而使之也

拔劍斬守梁持守頭佩其印綬

門下驚擾籍所擊殺數十百人府中皆驚

伏莫敢起召故所知豪吏諭以所為起大事遂舉吳中兵

收下縣得精兵八千人

梁部署豪傑為校尉候司馬有一人不得官自言梁曰某

時某喪使公主某事不能辦以故不任公衆乃皆服

梁自為會稽守籍為裨將

籍時年二十四

齊田儋自立為齊王

僭故齊王族也與從弟榮榮弟橫皆豪健宗彊能得

人周市略地至狄

注見前

僭殺狄令而召豪吏子弟曰

諸侯皆反秦自立齊古之建國僭田以當王遂自立

擊市走之東略定齊地

趙將韓廣自立為燕王

韓廣至燕燕豪傑立以為王

廣以其母在趙不許燕人曰楚不敢害趙王將

相之家趙安敢害將軍母乎

乃立居數月趙奉其母歸之趙王與張耳陳餘北

略地燕界趙王間出為燕軍所得囚之欲求割地使

者數往燕輒殺之有廝養

韋昭曰析薪為廝炊烹為養

卒走燕壁

見燕將曰君知張耳陳餘何欲曰欲得其王耳卒曰君未知此兩人所欲也夫武臣張耳陳餘杖馬箠下趙數十城此亦各欲南面而王顧其勢初定且以少長先立武臣今趙地已服此兩人方欲分趙而王今君乃囚趙王此兩人名為求王實欲燕殺之而分趙自立夫以一趙尚易燕況以兩賢王左提右挈而責殺王之罪滅燕易矣燕將乃歸趙王卒為御而歸

楚將周市立魏公子咎為魏王而相之

周市已定魏地魏人欲立為王市曰天下昏亂忠臣
乃見必立魏王後乃可齊趙各遣使立市市不受時
魏故公子甯陵君咎甯陵注見前在陳王所市迎之使五
反陳王乃遣咎市立為王而相之

秦廢衛君角為庶人

衛自康叔至君角凡三十七傳而為秦滅

初秦并天下而衛獨存至是二世廢之衛祀遂絕

已亥二年趙將李良弑其君武臣張耳陳餘立趙歇為王

李良已定常山還報趙王復使略太原至井陘還請

益兵

時秦兵方塞井陘道

道逢趙王姊良以為王伏謁道旁王

姊醉不知其將使騎謝之良起慚其從官從官或請

追殺之良先得秦將書詐為二世招良意欲反趙未

決因此怒使人追殺王姊遂襲邯鄲殺武臣趙人多

為張耳陳餘耳目者故兩人得脫收散兵得數萬人

擊李良良敗走歸章邯客或說耳餘曰兩君羈旅難

可獨立立趙後輔以誼可就功乃求得歇立之居信

都

今直隸冀州是故城在州治東北

章邯等擊敗楚軍楚莊賈弑其君勝降呂臣計殺賈復以陳為楚

二世並發兵遣長史

秦官丞相屬

司馬欣都尉

秦官名

董翳

晉董狐之裔

佐章邯擊楚柱國房君殺之又進擊陳西軍

張賀陳王出監戰軍敗張賀死臘月

張晏曰秦之臘月夏之九月

陳王至下城父

今江南潁州蒙城縣西北有下城父聚以近故城父縣故如下其御

莊賈殺之以降陳王故涓人

即中涓顏師古曰主居中而潔除之人呂

臣為蒼頭軍

蒼頭注見前

起攻陳殺賈復以陳為楚葬陳

王于碭

今江南徐州府碭山縣有故碭城在縣南

諡曰隱

初勝既為王故人皆往依之妻

之父亦往馬勝以衆賓待之長揖不拜妻之父怒而去故人出入或言勝故情勝聞而斬之諸故人皆引

去以朱防為中正胡武為司過主司羣臣以苛察為忠諸將不親附以及于敗

秦嘉

曾有秦董父其後以邑為氏又嬴秦之支以國為氏

立景駒

楚公族

為楚王

陳王初起時凌

秦縣故城在今江南徐州府宿遷縣東南

秦嘉銓

秦縣今江

南鳳陽府宿州西南有鉅城

人董緹符離

今宿州

人朱雞石取慮

音秋

閭秦縣故城在今徐州府睢寧縣西南

人鄭布徐

本徐國楚滅之為人縣徐國注見前

丁疾等皆特起將兵圍東海

今江南海州

守于邳

今邳城縣屬山

東沂州府

陳王聞使武平君畔為將軍監邳下軍秦嘉不

受命自立為大司馬殺武平君畔及陳王軍破嘉乃

立景駒為楚王

左右校

秦官即左右校尉

攻陳下之呂臣走得英布

英氏臯陶之後以國

為軍還復取陳

英布六

春秋六國秦為縣六國注見前

人嘗坐法黥

故曰黥布

論輸驪山

驪山之徒數十萬人布皆與其徒長豪傑交通乃亡

之江中為羣盜番陽

今縣曰鄱陽屬江西饒州府

令吳芮甚得江

湖間心號曰番君布往見之其衆已數千人番君以女妻之使將其兵擊秦呂臣方敗走與布遇乃以其兵還破秦軍陳復為楚布引兵而東

沛公得張良以為廩將

主馬官

初沛公破秦軍于豐

秦為鄉今縣屬徐州府

令雍齒

雍氏周雍伯之後以

國為守之而之薛

注見前

齒雅不欲屬沛公魏人招之

即反為魏守豐沛公引兵攻之不能取聞景駒新立

在留

秦縣今為留城鎮在徐州府沛縣東

往從之時張良亦聚少年百

餘人欲往從景駒遇沛公于下邳

注見前

遂屬焉沛公

拜良為廐將良數以太公兵法說沛公沛公善之常

用其策為他人言皆不省良曰沛公殆天授遂留不

去

景駒使沛公與秦戰不利攻碭拔之得兵五六千人還擊豐不下

項梁擊景駒殺之夏六月立楚懷王孫心為楚懷王韓

公子成為韓王

廣陵

今江南揚州府治秦為廣陵縣

人召平

召氏召公之後以邑為氏

為楚徇廣

陵未下聞陳王敗乃渡江矯王令拜項梁為上柱國

曰江東已定急引兵西擊秦梁乃以八千人渡江而

西聞陳嬰已下東陽

秦縣故城在今江南
泗州天長縣西北

遣使欲與

連和俱西

陳嬰者故東陽令史素信謹稱長者東陽
少年殺其令相聚二萬人欲立嬰為王嬰

母曰暴得大名不祥不如有所屬事成猶得封侯事
殷易以亡非世所指名也嬰乃謂軍吏曰項氏世世
將家有名于楚今欲舉大事將非其人不可眾從之

嬰以兵屬梁及渡淮英布

蒲將軍亦以兵屬焉梁眾凡六七萬人軍下邳梁曰

陳王首事戰不利未聞所在今秦嘉立景駒大逆無

道乃進兵擊殺嘉駒走死至薛沛公往見之梁子卒

五千人還拔豐

雍齒奔魏

使項羽攻襄城

注見前

不下已拔

皆阬之梁聞陳王定死召諸別將會薛計事

時沛公亦從沛

往居鄴

亦作巢秦縣故城在今江南廬州府巢縣

人范增年七十好奇計

往說梁曰陳勝敗固當夫秦滅六國楚最無罪自懷

王入秦不反楚人憐之至今故楚南公

漢書藝文志南公三十一

篇陰陽

曰楚雖三戶亡秦必楚

言楚怨秦雖三戶猶足亡秦後項羽破章

邯鄲于三戶津邯降羽秦遂亡乃識也

今勝首事不立楚後而自立其勢

范增請立楚後與張良請立韓

後跡同而心異
一則始終欲為
韓報仇一則第
因民望所屬而
已其後義帝立
未久即遭江中
之戕增不聞置
一詞此蘇軾所
以致論也固不
可與良同日語
矣

不長今君起江東楚蠡起之將皆爭附君者以君世

世楚將為能復楚之後也梁然其言乃求得懷王孫

心于民間為人牧羊六月立以為楚懷王從民望也

都盱眙

今縣屬江南泗州

以陳嬰為上柱國梁自號武信君

張良說梁曰君已立楚後韓公子橫陽君成最賢可

立為王益樹黨梁從之立為韓王以良為司徒西略

韓地

得數城秦輒復取之

往來為游兵潁川

秦郡注見前

章邯擊魏齊楚救之齊王儋魏相市敗死魏王咎自殺

章邯擊魏王于臨濟

後漢書郡國志陳留郡平邱有臨濟亭齊田儋死此

平邱注

見前魏使周市求救于齊楚齊王及楚將項它皆將兵

隨市救魏章邯夜銜枚擊大破之殺齊王及周市魏

王為其民約降約定自燒殺其弟豹走楚

齊人立田假為王故王儋弟榮逐假立儋子市為王而相之

假王建弟也齊人聞田儋死立以為王田角為相田

間為將儋弟榮收儋餘兵走東阿

春秋柯邑秦曰東阿柯邑注見前

章邯追圍之項梁引兵擊破章邯軍章邯走而西田

榮東歸項梁獨追北

梁別遣項羽沛公攻城陽屠之復攻定陶西畧地至雍邱與秦

軍戰破之斬李由

城

八月田榮逐王假

假亡走楚田角走趙

陽定陶雍邱注俱見前

田間前使趙因留不敢歸

立儋子市為王榮相之田橫為將平齊

地

項梁追逐秦軍數使使者趣齊兵俱西榮曰楚殺田假趙殺田角田間乃發兵楚趙不許田榮怒終

不肯出兵

下右丞相去疾左丞相斯吏去疾自殺斯要斬夷三族

以宦者趙高為中丞相

二世數誚讓李斯居三公位如何令盜如此斯恐懼重爵祿不知所出乃阿二世意請修申韓之術行督責之道且言督責必則所求得羣臣百姓救過不給何變之敢圖二世悅于是行督責益嚴刑者相半于道民益駭懼思亂郎中令趙高恃恩專恣多以私怨殺人恐大臣言之乃說二世曰天子所以貴者但以聞聲羣臣莫得見其面故號曰朕且陛下富于春秋未必盡通諸事今坐朝廷譴舉有不當則見短于大

臣非所以示神明也不如深拱禁中與臣及侍中

秦官

應劭曰入侍天子故曰侍中

習法者待事來揆之則大臣不敢奏

疑事天下稱聖主矣二世乃不坐朝廷事皆決于高
高知李斯將以為言乃見斯曰關東羣盜多而上益
發繇役聚狗馬無用之物君何不諫斯曰上居深宮
欲見無間高曰請候上間語君于是待二世方燕樂
婦女在前使人告斯可奏事矣斯至上謁如此者三
二世怒高因曰沙邱之謀丞相與焉今陛下為帝而

丞相賁不益其意亦望裂地而王矣且丞相長男由

守三川楚盜陳勝等皆丞相傍縣之子

傍縣近縣也斯上蔡人與

勝陽城相近故云傍縣之子猶言子弟也

以故公行過三川守不肯擊高

聞其文書相往來未得其審故未敢以聞二世欲案

丞相恐不審乃先使人按驗三川守與盜通狀斯聞

之乃上書言趙高罪二世曰趙君為人精廉彊力下

知人情上能適朕朕非屬趙君當誰任哉斯又與右

丞相馮去疾將軍馮劫進諫請且止阿房宮作者減

四邊戍轉

戍征戍也轉轉運也

二世曰君不能禁盜又欲罷先

帝所為是上無以報先帝次不為朕盡忠力何以在

位下吏按罪去疾劫自殺斯自負其辯有功無反心

乃就獄二世屬高治之責與由反狀榜掠千餘斯不

勝痛自誣服

斯從獄中上書自陳前功幸二世寤而赦之高棄去不奏而使其客詐為御史

謁者侍中更往來覆訊斯斯更以實對輒復榜之後

二世使人驗斯斯以為如前終不更言所使案三川

守由者至則焚兵已擊殺之遂具斯五刑論秦法當

皆先黥劓斬左右趾笞殺之梟其

首俎其骨肉于市謂之具五刑要斬咸陽市斯顧

謂其中子曰吾欲與若復牽黃犬出上蔡東門逐狡兔豈可得乎遂父子相哭而夷三族二世乃以高為中丞相事皆決焉

章邯擊破楚軍于定陶項梁死

項梁既破章邯東阿西北至定陶又破之益輕秦有

驕色宋義

宋以國為氏

諫曰戰勝而將驕卒情者敗今卒

少情矣秦兵日益臣為君畏之梁不聽

使宋義于齊道遇齊使者

高陵君顯曰公將見武信君乎曰然曰臣論武信君必敗公徐行即免死疾行則及禍

二世悉

起兵益章邯擊楚軍大破之定陶項梁死項羽沛公

方攻陳留秦縣今屬河南開封府臣瓚曰聞梁死與

呂臣俱引兵而東呂臣軍彭城東項羽軍彭城西沛公軍碭已而楚懷王

自盱眙都彭城并呂臣項羽軍自將之以呂臣為司徒其父青為

令尹沛公為碭郡長封武安侯號項羽為魯公封長安侯

楚立魏豹為魏王

豹之走楚楚王與卒數千人使徇魏地豹下二十城

乃立為魏王

章邯擊趙圍趙王于鉅鹿

今直隸順德府內鄉縣本趙鉅鹿邑秦置縣為鉅鹿郡治

漢因之後魏改曰內鄉今之鉅鹿縣乃漢南樂縣隋改曰鉅鹿者也

楚以宋義為上將軍

救之

章邯既破項梁以楚地兵不足憂乃北擊趙破邯鄲

張耳以趙王走入鉅鹿王離

王翦之孫

圍之陳餘北收兵

得數萬人軍鉅鹿北章邯軍其南

築甬道屬河饒王離王離兵食多攻

益趙數請救于楚楚王聞宋義先策武信軍必敗

義所

遇齊使者高陵君顯在楚言于楚王以義為知兵

召與計事大說之以為上

將軍項羽為次將范增為末將以救趙義號卿子冠

軍

卿子人相褒尊之辭冠軍言其在諸軍之上

諸別將皆屬焉

楚遣沛公西入關

初楚懷王與諸將約先入定關中者王之是時秦兵

尚彊諸將莫利先入關獨項羽怨秦殺項梁奮

憤激也

顧與沛公西入關諸老將皆曰項羽為人慄悍猾賊

所過無不殘滅且楚進取數敗

謂陳涉項梁

不如更遣長

者扶義而西告喻秦父兄秦父兄苦其主久矣今誠

宋義能策人之
敗而自不免項
羽之矯殺所謂
當局者迷乎

得長者往無侵暴宜可下羽不可遣獨沛公素寬大
長者可遣王乃遣沛公收陳王項梁散卒以西

甲午

三年楚次將項籍矯殺宋義而代之大破章邯軍虜

王離

宋義至安陽

今山東曹州府曹縣東有安陽城即宋義留兵處

留四十六日

不進項羽曰秦圍趙急宜疾引兵渡河楚擊其外趙
應其內破秦軍必矣宋義曰今秦攻趙戰勝則兵罷
我承其敝不勝則我鼓行而西必舉秦矣因下令曰

有猛如虎狠如羊貪如狼強不可使者皆斬之遣其

子襄相齊送之無鹽

故城在今山東泰安府東平州東

飲酒高會天

寒大雨士卒凍飢項羽曰今歲飢民貧卒食半粟而
飲酒高會不引兵渡河因趙食并力攻秦乃曰承其
敝夫以秦之彊攻新造之趙其勢必舉何敝之承且
國兵新破王坐不安席掃境內而屬將軍國家安危
在此一舉今不恤士卒而徇其私非社稷之臣也晨
朝義即其帳中斬之出令軍中曰宋義與齊謀反楚

楚王陰令籍誅之諸將莫敢枝梧相與共立羽為假

上將軍

追宋義子及之齊殺之

遣使報命于王王因以羽為上

將軍

鉅鹿城中兵少食盡張耳數召陳餘餘不敢前耳又使張騫陳澤讓之要與俱死餘使騫澤將

五千人先嘗秦軍皆沒

羽使當陽君

卽黥布

蒲將軍

顏師古曰布與蒲將軍乃

二人服虔以爲一人非

將二萬人渡河絕秦甬道戰少利

言其稍有

也利羽乃悉引兵渡河已渡皆沈船破釜燒廬舍持

三日糧以示士卒必死無還心與秦軍遇九戰皆破

之章邯引却遂虜王離時諸侯軍鉅鹿者十餘壁

齊將

田都燕將臧荼及齊王建孫田安來救張耳莫敢繼
子敖亦北收代兵得萬餘人皆壁陳餘軍旁

兵及楚擊秦皆從壁上觀楚戰士無不一當十呼聲

動天地諸侯軍人人惴恐既破秦軍諸侯將入轅門

張晏曰軍行以車膝行而前莫敢仰視羽由是始為
為陳轅相向為門

諸侯上將軍兵皆屬焉

趙王及張耳出鉅鹿城謝諸侯張耳責讓陳餘問麋澤所

在疑餘殺之餘怒解印綬與耳耳不受餘起如廁客或說耳急取之耳乃佩其印綬收其麾下餘遂與數

百人去河上澤中漁獵二人由此有隙

沛公擊昌邑

秦縣故城在今山東彭越彭氏大彭之以兗州府金鄉縣西北

兵從

越昌邑人嘗漁鉅野澤

即禹貢大野在山東曹州府鉅野縣北澤最廣大元末為

黃河所決遂涸

中為羣盜楚兵起澤間年少相聚百餘人請

越為長越謝曰臣不願也彊請乃許之與期旦日日

出會後期者斬至期多後或至日中于是越謝曰臣

老諸君彊以為長今期多後不可盡誅誅最後者一

人皆笑曰何至是請後不敢越竟斬之徒屬皆驚莫

敢仰視乃略地收散卒得千餘人至是以其兵歸沛

公

沛公使鄢食其

鄢音歷黃帝支孫封鄢後以為氏食其音異基說陳留下之

沛公過高陽

此杞縣之高陽城注見前高陽人鄢食其家貧落魄

顏師古曰失業無次也

為里監門

時諸將略地過者皆握齟好苛禮自用不能聽大度之言

鄢生深自匿

沛公麾下騎士適食其里中子食其使言

于沛公

此真吾所願從遊若見沛公慢而易人多大畧

鄢生年六十餘長八尺人皆謂之狂生生自謂我非狂騎士曰沛公不好儒諸客冠儒冠來者沛公輒解其冠溲溺其中與人言常大罵未可以儒生說也鄢生曰第言之騎士從客言如生所誠者沛公

至傳舍使召酈生酈生至入謁沛公方踞床使兩女
子洗足酈生長揖不拜曰足下欲助秦攻諸侯乎且
欲率諸侯破秦也沛公罵曰豎儒天下同苦秦久矣
故諸侯相率而攻秦何謂助秦攻諸侯乎酈生曰必
聚徒合義兵誅無道秦不宜倨見長者于是沛公輟
洗攝衣延生上坐問計生曰足下兵不滿萬欲以徑
入彊秦此所謂探虎口者也夫陳留天下之衝又多
積聚臣善其令請得使之令下令使下即不聽足下

降也

引兵攻之臣為內應于是遣酈生行而引兵隨之遂
下陳留號生為廣野君為說客使諸侯生弟商亦聚
眾四千人來屬沛公沛公使將陳留兵以從

章邯以軍降楚

章邯軍棘原

在直隸順德府平鄉縣南

項羽軍漳南

漳水之南漳水注見前

相持未戰二世使人讓邯邯恐使長史欣請事留司

馬門

顏師古曰宮垣之內兵衛所在四面皆有司馬司馬主武事故總謂宮之外門為司馬門

日趙高不見欣恐走還

不敢出故道趙高果使人追之不及

至軍報曰

趙高用事于中下無可為者今戰勝高疾吾功不勝

不免于死願熟計之陳餘亦遺邯書

書曰將軍為秦將三歲所亡失

已十數萬而諸侯並起茲益多彼趙高素諛日久今事急亦恐二世誅之故欲以法誅將軍以塞責使人更代以脫其禍將軍有功亦誅無功亦誅且天之亡秦無愚智皆知之將軍何不與諸侯為從南面稱孤孰與身伏斧鑕妻子為戮乎章邯狐疑陰使羽約未成羽遣蒲將

軍引兵渡三戶

漳水津也孟康曰在鄴西

與秦戰再破之羽又擊

敗之汙水

在臨漳縣西南出武安山入漳今絕

上邯遂請降羽乃與盟

于洹水

注見前

南立以為雍王置楚軍中使長史欣將

秦軍行前

顏師古曰謂居前而行

沛公入武關

沛公南攻潁川

秦郡注見前

因張良畧韓地

文穎曰潁南北皆韓地以

良累世相韓故因之

出轅轅

山名在河南府偃師縣東南元和志山路險阻凡十二曲將去復還

故曰轅轅

畧南陽南陽守齟戰敗走保宛

今河南南陽府南陽縣楚宛邑

秦為縣隋始改今名

沛公引兵過之張良曰公雖欲急入關秦

兵尚衆距險今不下宛宛從後擊彊秦在前此危道

也沛公乃夜從他道還圍宛齟舍人陳恢踰城見沛

公約降

恢曰聞足下約先入咸陽者王之今足下留守宛宛郡縣連城數十其吏民自以為降必

死故皆堅守乘城足下盡日止攻士死傷者必多引兵去宛宛必隨足下後足下前則失咸陽之約後有

彊宛之患為足下計莫若約降封其守因使止守引其甲卒與之西諸城未下者聞聲爭開門而待足下

矣沛公曰善

許之七月齟降封殷侯恢封千戶引兵而西無不

下者所過令毋得鹵與虜同掠秦民皆喜八月遂入武

關

趙高弒帝于望夷宮

在西安府涇陽縣東南

立于嬰為王子嬰誅

高夷三族

趙高欲專秦權恐羣臣不聽乃持鹿獻于二世曰馬也二世笑曰丞相誤耶謂鹿為馬問左右或默或言鹿高因陰中諸言鹿者以法後羣臣皆畏之莫敢言其過高前數言關東盜無能為及是沛公已破武關

二世使責讓高高懼與其壻咸陽令閻樂

閻以鄉謀為比

弑二世時二世將祠涇水

二世夢白虎齧其左脇馬殺之卜曰涇水為祟故欲

祠涇齋于望夷宮高詐為有大賊令樂發吏卒至宮殿

門縛衛令

秦衛尉掌宮門屯兵屬有衛士令

僕射

注見前

殺之射郎

秦官

掌守門戶官者或走或格格者輒死樂與高弟郎中令成俱入射上幄坐幃二世怒召左右惶擾不鬪有官者一人侍不去二世謂曰公何不早告我乃至于此對曰使臣早言皆已誅安得至今樂前數二世曰足下驕恣誅殺無道天下皆畔其自為計二世曰吾願得一郡為王弗許願為萬戶侯又弗許願與妻子為黔首樂曰臣受命丞相為天下誅足下足下雖多言臣不敢報麾其兵進二世自殺趙高召諸大臣公子告

曰秦故王國始皇君天下故稱帝今六國復立宜為

王如故便乃立子嬰為秦王以黔首葬二世杜南宜

春苑

在西安府咸寧縣南漢曰宜春下苑

中九月趙高令子嬰齋廟見

受璽齋五日高使人請子嬰子嬰稱病不行

子嬰與其二子

及宦者韓談謀曰丞相殺二世恐羣臣誅之乃詐以義立我聞高與楚約滅秦而分王關中今使我見廟此欲因廟中殺我我稱病不行丞相必自來來則殺之高自往請子嬰遂刺殺

高三族其家以徇

沛公擊嶢關

即藍田關在西安府藍田縣東南

破之

先是趙高既弑二世使人與沛公約分王關中沛公不許及子嬰誅殺高遣將將兵距峽關沛公欲擊之

張良曰秦兵方彊願益張旗幟為疑兵而使酈生陸

賈齊軍陸少子通封陸鄉因故為氏賈楚人往說秦將啗以利秦將果欲

連和沛公欲許之良又曰不如因其急而擊之沛公

引兵繞峽關踰蕢山在藍田縣南擊秦軍大破之

御批歷代通鑑輯覽卷十一

欽定四庫全書

史部

御批歷代通鑑輯覽卷十二

詳校官侍講_臣王燕緒

編修_臣表謙覆勘

總校官進士_臣程嘉謨

校對官編修_臣吳舒帷

膳錄監生_臣李邦燮

欽定四庫全書

御批歷代通鑑輯覽卷十二

楚漢

楚義帝元年西楚霸王項籍元漢王劉邦元年是歲
木辰亡綱目甲子下俱分列諸國今

但列楚漢諸國修

五星歲星東方春木辰南方夏火太白西方聚于東

井馬奇之次獨秦分漢書天衣志漢元平十月五星聚

天道遠人事近
沛公仗義而西
三章之約炳然
應天順人若以
五星聚為入關
之祥脫今項羽

冬十月旦在尾箕各没于申南而東井方出于寅北

先入亦足當其
兆乎抑即無其
事乎甘公亦當
語塞矣且高允
崔浩輩論如蘇
絲則其事之真
偽從可思耳

何因背日而行崔浩曰五星以前三月聚東井非十月也宋劉邠曰秦之十月今七月日當在鶉尾故太白辰星得從歲星也考漢書律歷志秦以十月為正劉敞之言蓋本于此

沛公至霸上

即白鹿原在西安府咸寧縣東水經注白鹿原東即霸川之西謂之霸上霸水注見

前
秦王子嬰降

沛公至霸上秦王子嬰素車白馬係頸以組

應劭曰組天子

敕也係頸言欲自殺

封皇帝璽

始皇監田玉璽文曰受天之命皇帝壽昌子嬰上之漢代傳受

號傳符

玉符以發兵將節號令賞罰之節以毛為降軹道名

在今咸陽縣東北

旁諸將請誅之沛公曰始懷王遣我固以

能寬容且人已服降殺之不祥乃以屬吏

沛公入咸陽還軍霸上除秦苛法

沛公西入咸陽諸將皆爭走金帛財物之府分之蕭

何獨先入收秦丞相府圖籍藏之以此得具知天下

阨塞戶口多少彊弱之處沛公見秦宮室帷帳寶貨

婦女欲留居之樊噲

沛人張良諫噲曰沛公欲有天下耶將為富家翁耶凡

此奢麗之物皆秦所以亡也沛公何用焉顧急還霸上沛公不聽張良曰忠言逆耳利于行良藥苦口利

于病願聽樊噲言

乃封秦重寶府庫還軍霸上悉召父老豪

樊噲起屠狗從事行間乃有留君之諫功不在蕭曹下閔代樊才識見固當如此

傑謂曰父老苦秦苛法久矣諸侯約先入關者王之
吾當王關中與父老約法三章耳殺人者死傷人及
盜抵罪抵當也隨其輕重立法餘悉除去凡吾所以來為父兄
除害非有所侵暴毋恐乃使人與秦吏行縣鄉邑告
諭之秦民大喜唯恐沛公不為秦王

尹氏起莘曰沛公仗義入關除秦苛法如救焚拯溺雖三代之得天下亦不過如是而已

項籍阮秦降卒于新安

今縣屬河南河

項羽既定河北率諸侯兵欲西入關秦降卒多怨言

先是諸侯吏卒縣戍過秦中秦人遇之多無狀及章邯以秦軍降楚諸侯吏卒乘勝折辱奴虜使之故多

怨羽計衆心不服至關必危于是夜擊阬秦卒二十餘萬人新安城南而獨與章邯及長史欣都尉翳入秦

沛公遣兵守函谷關項籍攻破之遂屠咸陽殺子嬰掘

始皇冢

在臨潼縣東俗呼當陵

大掠而東

有鯁生

臣瓚曰鯁姓服虔曰鯁小也

說沛公距關無內諸侯秦地

可盡王沛公從之項羽至關關閉不得入又聞沛公

已定關中大怒使黥布等擊破關進至戲

沛公左司馬曹無傷

使人言于羽曰沛公欲王關中令子嬰為相珠寶盡有之羽益大怒

饗士卒期旦日擊

沛公時羽兵四十萬

號百萬

在鴻門

坂名在臨潼縣東今曰項王營

沛

公兵十萬

號二十萬

在霸上范增謂羽曰沛公居山東時

貪財好色今入關財物無所取婦女無所幸此其志

不小吾令人望其氣皆為龍虎成五采此天子氣也

急擊勿失羽季父項伯素善張良

伯在秦時嘗殺人良救之

夜馳

告之欲與俱去良曰臣為韓王送沛公今有急亡去

范增於項羽雖未至言聽計從然尊曰亞父君臣非不相得者乃入關以前既不聞阻其既秦降卒入關以後又不聞阻其屠燬咸陽而斤斤於舉袂舞劍以

除沛公徵論王
者不死所見却

未已

不義因固要項伯入見沛公公奉卮酒為壽約為婚
姻曰吾入關秋毫不敢有所近籍吏民封府庫而待
將軍所以遣將守關者備他盜耳日夜望將軍至豈
敢反乎願伯具言臣之不敢背德項伯許諾曰旦日
不可不早自來謝遂去具以告羽因言曰沛公不先
破關中公豈敢入乎今人有大功而擊之不義不如
因善遇之羽曰諾沛公旦日從百餘騎來見羽鴻門
沛公曰臣與將軍戮力而攻秦將軍戰河北臣戰河
南不自意先入關能破秦得復見將軍于此今者有

小人之言令將軍與臣有隙項羽曰此沛公左司馬曹無傷言之不然籍何以至此羽因留沛

公飲范增數目羽舉所佩玉玦示之者三羽不應增
出使項莊請以劍舞因擊沛公殺之莊入為壽舉拔
劍起舞項伯亦拔劍起舞常以身翼蔽沛公莊不得
擊于是張良出見樊噲曰今項莊拔劍舞其意常在
沛公也噲曰此迫矣即帶劍擁盾兵器所以捍身入瞋目視
羽頭髮上指目眦盡張羽按劍曰客何為者張良曰
沛公驂乘樊噲也羽曰壯士賜之斗卮酒一生彘肩

噲立而飲酒拔劍切彘肩盡啗之羽曰壯士能復飲乎噲曰臣死且不避卮酒安足辭夫秦有虎狼之心天下皆叛懷王與諸將約曰先入咸陽者王之今沛公先破秦入咸陽勞苦功高未有封爵之賞而將軍聽細人之說欲誅有功之人此亡秦之續耳竊為將軍不取也羽未有以應須臾沛公起如廁招噲出與亡去

沛公曰今者出未辭也噲曰大行不顧細謹大禮不辭小讓今人方為刀俎我為魚肉何辭為

沛公獨騎噲步從間行趨霸上

至軍立誅曹無傷

留張良使

謝羽羽問沛公安在曰聞將軍有意督過之脫身獨

去已至軍矣因以白璧一雙獻羽玉斗一雙與增羽

受璧增拔劍撞破玉斗曰唉

音哀嘆恨發聲之辭

豎子不足與

謀奪將軍天下者必沛公也吾屬今為之虜矣居數

日羽引兵西屠咸陽殺秦降王子嬰燒秦宮室

火三月不

滅

掘始皇帝冢

以三十萬人運物三十日不能窮

收寶貨婦女而東

秦民大失望韓生說羽曰關中阻山帶河四塞之國

東函谷南武關西散關北蕭關

地肥饒可都以霸羽見秦殘破又思

東歸曰富貴不歸故鄉如衣繡夜行誰知之者韓生
退曰人言楚人沐猴而冠果然羽聞之烹韓生

項籍尊楚懷王為義帝

羽使人致命懷王懷王曰如約

言如前約

羽怒曰懷王者

吾家所立耳非有功伐何以得專主約乃陽尊懷王

為義帝徙之長沙都郴

今湖南郴州

項籍自立為西楚

孟康曰江陵為南楚吳為東楚彭城為西楚

霸王

王梁楚地九郡都彭城

立沛公為漢王

項羽與范增疑沛公而業已講解又惡負約以巴蜀

道險秦之遷人皆居之乃曰巴蜀亦關中也立沛公

為漢王王巴蜀漢中

注見前

都南鄭

今縣陝西漢中府治

而三分

關中王秦降將以距塞漢道章邯為雍王王咸陽以

西都廢邱

即今興平縣屬西安府

司馬欣

故為櫟陽獄掾有德于項梁

為塞

章昭曰即桃林塞

王王咸陽以東至河都櫟陽

注見前

董翳

勸

邯降楚

為翟

春秋白翟之地

王王上郡

注見前

都高奴

故城在今陝西延安

府宵施
縣東
復分天下以王諸將徙魏王豹為西魏王

項羽

欲自取梁地故徙之
王河東都平陽

注見前

韓王成因故都都陽

翟

注見前

申陽

張耳壁臣先下河南迎楚

為河南王都洛陽司馬邛

趙將定河內有功

為殷

殷故墟

王都朝歌

注見前

徙趙王歇為代

王居代

注見前

立張耳

為趙相從入關

為常山王王趙都襄國

今直隸順德府

英布

為楚將常冠軍

為九江王都六

注見前

吳芮

率百越佐

諸侯又從入關

為衡山王都邾

故城在湖北黃州府黃岡縣東南芮將梅鋗封十萬戶侯

共敖

共以邑為氏敖義帝柱國擊南郡功多

為臨江王王江陵

今縣荆州府治

徙燕王廣為遼東王都無終

尋為臧荼所殺
無終注見前

臧荼

臧

臧荼之別茶燕將
從楚救趙入關

為燕王都薊

注見前

徙齊王市為膠

東王都即墨

注見前

立田都

齊將從楚
救趙入關

為齊王都臨淄

田安

王建孫下濟
北引兵降楚

為濟北王都博陽

今山東泰安府
泰安縣有博縣

故城漢
曰博陽

諸侯罷兵就國

田榮數負項梁又不肯從楚
擊秦故不封陳餘棄將印去

又不從入關然素賢羽不得已封
之南皮三縣二人由是皆怨羽

漢以蕭何為丞相遣張良歸韓

漢王以項羽背約怒欲攻之蕭何諫曰夫能誅于一

戰國紛爭黎民
塗炭蕭何於漢

王失職憤怒時
首言養民致賢
其識有大過人
者烏可以刀筆
吏少之

人之下而信于萬乘之上者湯武是也臣願大王王

漢中養其民以致賢人收用巴蜀還定三秦天下可

圖也王曰善乃就國以何為丞相項王使卒三萬人

從漢王之國楚與諸侯之募從者數萬人張良送至

褒中

今漢中府褒中縣漢曰褒中

王遣良歸韓良因說王燒絕所

過棧道

在褒城縣北接鳳縣東北統名連雲棧

以備盜兵且示羽無東

意

齊田榮自立為齊王

田榮聞楚立田都為齊王大怒發兵擊走都

都亡走楚

因

留市不令之膠東市畏項王竊之國榮追殺之時彭

越在鉅野有兵萬人無所屬榮與越將軍印使擊殺

田安榮遂自立盡王三齊

謂齊及濟北膠東

之地

西楚殺韓王成張良復歸漢

項王以張良從漢王韓王又無軍功廢以為侯已又

殺之張良遂間行歸漢良多病未嘗獨將嘗為畫策

臣時時從漢王

項王既殺韓王成乃以故吳令鄭昌為韓王

漢王以韓信為大將還定三秦

韓信淮陰

秦縣故城在今江南淮安府清河縣東南

人家貧無行不得推

擇為吏又不能治生商賈

嘗數從下鄉南昌亭長食亭長妻苦之乃晨炊蓐食

食時信往不為具食信知其意遂絕去至城下釣有漂母哀之飯信信曰吾必重報母母怒曰大丈夫不能自食吾哀王孫而進食豈望報乎淮陰少年或衆辱之曰若雖長大好帶刀劍中情怯耳能死刺我不能出跨下信熟視之項梁渡淮信仗劍從之後數以

免出跨下一市皆笑

策干羽羽弗用亡歸漢坐法當斬信仰視適見滕公

即夏侯嬰夏侯氏杞之後以國爵為氏嬰沛人初為滕令故號滕公曰上不欲就天下

乎何為斬壯士滕公竒其言貌釋不斬與語說之言

于王以為治粟都尉

秦官掌穀貨

數與蕭何語何竒之王

至南鄭將士歌謳思歸多道亡者信亦亡去何不及

以聞自追之人或言丞相何亡王怒如失左右手居

一二日何來謁王且怒且喜罵曰若亡何也曰臣不

敢亡追亡者耳王曰所追者誰曰韓信王復罵曰諸

將亡者以十數公無所追追信詐也何曰諸將易得

如信國士無雙王欲長王漢中無所事信必欲爭天

韓信登壇數語
劉興項蹶已若
指掌以項羽為
匹夫之勇人人
能言之以為婦
人之仁則信所

下非信無足與計事者顧王策安決耳王曰吾亦欲
東耳安能鬱鬱久居此乎何曰計必欲東能用信信
即留不能用信終亡耳王乃欲拜信為大將何請擇
日齋戒設壇具禮王許之諸將皆喜人人自以為得
大將至拜乃信也一軍皆驚信已拜上坐王曰丞相
數言將軍將軍何以教寡人信謝因問王曰今東鄉
爭權天下非項王耶王曰然信曰大王自料勇悍仁
彊孰與項王王默然良久曰不如也信再拜賀曰信

亦以為不如也然臣嘗事項王請言項王之為人

項王喑噤叱咤

喑烏鳩反噤烏路反懷怒氣也叱尺栗反咤卓嫁反發怒聲也

千人

皆廢然不能任屬賢將此匹夫之勇耳見人慈愛言

語嘔嘔

與哕通

至人有功當封爵印

刖烏丸反無廉鐫也

敝忍

不能予此婦人之仁也雖霸天下不居關中而都彭

城背約而以親愛王諸侯不平逐義帝置江南所過

殘滅民不親附名雖為霸實失天下心故其彊易弱

今大王誠能反其道任天下武勇何不誅以天下城

邑封功臣何不服以義兵從思東歸之士何不散

言敵

無不散

且三秦王將秦子弟數歲所殺亡不可勝計又

欺其衆降諸侯及項王阬秦卒惟此三人得脫秦父

兄怨之痛入骨髓而楚彊以威王之秦民莫愛也大

王入關秋毫無所害除秦苛法秦民無不願大王王

秦于諸侯之約大王當王關中民戶知之而失職入

漢中秦民無不恨者今大王舉而東三秦可傳檄

尺書

以貴所伐者

而定也王大喜自以為得信晚遂部署諸將

留蕭何收已蜀租給軍糧食八月引兵從故道

秦縣故城

在今漢中府

鳳縣西北

出襲雍章邯迎戰敗走廢邱

明年漢兵引水灌廢

邱邯自殺

漢王至咸陽塞王欣翟王翳皆降張良遺項王

書曰漢王失職欲得關中如約即止不敢復東又以

齊梁

田榮彭越

反書遺之羽以故無西意而北擊齊

王陵以兵屬漢

陵沛人漢王微時常兄事之及起沛陵亦聚黨數千

人居南陽至是始以屬漢項王執陵母欲以招之母

因使者語陵曰漢王長者終得天下無以我故持二

心遂伏劍而死

漢王使將軍薛歐王吸因陵兵從南陽迎太公呂后于沛項王發兵拒之

不得

前

兩西楚二年漢二年
中是歲楚義帝亡

項籍弑義帝于江中

項籍使人趣義帝行其大臣稍稍叛之籍乃密使吳
芮黥布共教擊殺之江中

陳餘以齊兵襲常山王耳走漢代王歇復為趙王立餘
為代王

陳餘在南皮

今縣屬直隸天津府

聞田榮已王齊乃使夏說

夏杞

之別不得封者為夏氏

往說榮假齊兵擊常山復趙王榮許之

遂共襲常山張耳敗走欲之楚甘公

齊人善說星者

曰漢王

之入關五星聚東井東井秦分也先至必王楚雖彊
後必屬漢耳乃走漢餘已敗耳收趙地迎代王歇復
王趙歇德餘立以為代王餘留傳趙王而使夏說以
相國守代

漢立韓王孫信為韓王

信韓襄王孽孫張良下韓故地得之以為韓將從漢王入關又從入漢中漢王既定三秦拜信為韓太尉使略韓地漢王東出關至陝

今河南陝州

鎮撫關外父老

于是河南王申陽韓王鄭昌皆降乃立信為韓王

漢王都櫟陽

注見前

漢王自陝還遂都櫟陽故秦苑囿園池皆令民得田之

楚擊齊王榮敗死田橫立榮子廣為齊王

項王至城陽齊王榮會戰敗走平原平原民殺榮項王乃復立田假為齊王燒夷齊城郭所過盡屠破齊人相聚叛之于是榮弟橫收齊散兵得數萬人擊走

假

假亡走楚
楚殺之

立榮子廣為王而相之

漢王渡河魏王豹降虜殷王邛以陳平為護軍中尉

陽武人陳平家貧好讀書治黃帝老子之術

平與兄
伯居伯

陳平機變觀其
解而刺船已見
一斑至云不受
金無以為資此
實不可為訓臣
節尚廉古今通

常耕田縱平使游學平為人長大美色人或謂平貧
何食而肥若是其嫂疾平不治生產乃曰亦食糠粃
耳有叔如此不如無有伯聞之即逐其婦
中曰史臣先載伯逐其婦事為平明盜嫂之誣

里

義而在行軍御
衆時所關尤重
彼后勝相齊郭
開用趙非皆受
金者乎厥後漢
高論相以平智
有餘而難獨任
或亦早見及此
矣

中社平為宰

主割肉也

分肉甚均里父老曰善陳孺子之

為宰平曰嗟乎使平得宰天下亦如是肉矣初事魏

王咎說不聽去事項王拜都尉及漢下殷乃渡河歸

漢

先是殷王反楚項王使平擊之殷降項王拜平都尉賜金二十鎰無何漢王攻下殷項王怒將誅定

殷者平懼乃封其金與印使使還項王而挺身間行仗劍亡渡河船人見其美丈夫疑為亡將當有金玉寶器目之欲殺平平覺乃解衣裸而佐刺因魏無知

求見漢王與語悅之間居楚何官曰為都尉是日即

拜平都尉使驂乘典護軍諸將盡謹

音喧詳也

王聞之益

厚平周勃

沛人

灌嬰

淮氏夏斟灌氏之後嬰睢陽販繒者

言于王曰陳平

雖美如冠玉其中未必有也居家時嘗盜其嫂今為

護軍多受諸將金反覆亂臣也願王察之王召讓魏

無知無知曰臣所言者能也王所問者行也今有尾

生

一作微生或曰即微生高也

孝已

殷高宗子有孝行

之行而無益勝負

之數王何暇用之乎王又召平而問焉平曰臣居楚

聞王能用人故來歸然裸身來不受金無以為資誠

臣畫計有可采者願大王用之使無可用金具在請

封輸官得乞骸骨王乃謝平厚賜之拜護軍中尉盡
護諸將諸將不敢復言

漢王至洛陽為義帝發喪告諸侯討項籍

漢王至洛陽新城

注見前

三老

秦制縣十里一亭十亭一鄉鄉置三老有秩掌

教化董公

楚漢春秋董公八十二歲秦世隱士名未詳漢封成侯

遮說

橫道自言

曰臣

董公述說其詞雖出於荀卿王翳即漢王綰素發兵特藉是仗義執言而已不然設令義帝而在漢王亦果能終出其下乎

聞順德者昌逆德者亡兵出無名事故不成故曰明
其為賊敵乃可服項羽為無道放弑其主天下之賊
也夫仁不以勇義不以力大王宜率三軍為之素服

以告諸侯而伐之則四海之內莫不仰德此三王之舉也漢王曰善非夫子無所聞于是為義帝發喪哀臨三日發使告諸侯曰天下共立義帝北面事之今項羽放弑之江南大逆無道寡人親為發喪兵皆縞

素悉發關中兵收三河

河南河東河內

士願從諸侯王擊楚

之弑義帝者

初張耳走漢漢王厚遇之及是漢使者至趙陳餘曰漢殺張耳乃從于是漢王

求人類張耳者斬之持其頭遺陳餘餘乃遣兵助漢

許氏衡曰董公順德逆德之辭昭然與日月爭光人心稍知義者從順去逆已于此決矣當日漢王仗義

而東天下為之響
應者董公力也

漢王以五諸侯

韋昭曰塞翟韓殷魏也

兵伐楚入彭城項籍自齊

還破漢軍以漢太公呂后歸

項王雖聞漢東既已連齊兵

田橫距楚城陽楚連戰未下

欲遂破

之而擊漢漢王以故得率五諸侯兵凡五十六萬人

東伐楚至外黃

故城在今河南開封府杞縣

彭越將三萬人歸漢

越收魏地十餘城請立魏後漢王曰西魏王豹真魏後乃以越為魏相國使略魏地漢王遂入

彭城收其寶貨美人日置酒高會項王聞之令諸將

彭城去沛不二
百里漢王既入
即當迎取太公
乃亟亟於寶貨
美人置酒高會
此與項羽入秦
何異卒至家室
俱亡幾陷其親
於鼎俎而分美
之語雖出權變
實非君子所忍
聞也

擊齊而自以精兵三萬人從魯出胡陵

亦曰胡陵故城在山東兗

州府魚臺縣東南

至蕭

注見前

大破漢軍漢軍入穀

睢水分流也亦曰陽

水在碭山縣東南

泗

注見前

及睢水

故汴水分流也舊自河南開封歸德至江南徐州入

泗今上流俱堙其在宿遷縣者謂之小河

死者二十餘萬人睢水為之不

流圍漢王三匝會大風從西北起折木發屋揚沙石

晝晦楚軍大亂漢王乃得與數十騎遁去過沛使人

求家室家室已亡不相得道逢子盈

即孝惠帝

及女

即魯元公

主載以行

楚騎追漢王王急推墮二子滕公下收載遂得脫

而太公呂后竟

為楚所獲

審食其從太公呂后間行反過楚軍項王置軍中以為質

時呂后兄周

呂侯

名澤

將兵居下邑

故城在碭山縣東

漢王間往

從小道從

從

之諸侯見漢敗復背漢與楚

殷王卬死塞王欣翟王翳皆降楚陳餘聞張耳

非元亦背漢魏王豹請歸視親疾至國即絕河津反為楚

漢王遣隨何

隨氏隨侯之後以國為氏

使九江

初項王擊齊徵兵九江黥布稱疾遣將將數千人往

漢入彭城布又不佐楚項王由是怨之至是漢王西

過梁地問羣臣曰吾欲捐關以東棄之誰可與共功

者張良曰九江王布與楚有隙彭越與齊反梁地此
兩人可急使而漢將獨韓信可屬大事當一面捐之
此三人則楚可破也王謂左右曰孰能為我使九江
令之發兵背楚留項王數月我之取天下可以百全
謁者隨何請使與二十人俱

漢王至滎陽

注見前

漢王收集散卒屯滎陽蕭何發關中老弱未傅

音附著也

未傅未著
名籍者

者悉詣軍韓信亦以兵與漢王會軍復大

振與楚戰滎陽南京

即春秋鄭京邑秦為縣故城在開封府滎陽縣東南索今

陽縣治即古大索城又有小索城在縣北

間破之楚以故不能過滎陽而

西漢遂築甬道屬之河以取敖倉

敖倉在山在開封府滎澤縣西北水經注

山上有城秦置倉其中故曰敖倉粟

漢王還櫟陽立子盈為太子

大赦罪人令諸侯子在關中者皆集櫟陽為衛

關中大饑

米斛萬錢人相食令民就食蜀漢

漢王如滎陽命蕭何守關中立宗廟社稷

王如滎陽命蕭何侍太子守關中為法令約束立宗廟社稷事有不及奏決者輒以便宜施行上來以聞

應劭曰侯王上來還乃以奏聞計關中戶口轉漕調兵以給軍未嘗

乏絕

漢王在滎陽數使使勞苦何鮑衣露蓋數使使勞苦君者有疑君心也為君計

莫若遣君子孫昆弟能勝兵者悉詣軍所王必益信君何從之漢王大悅

漢韓信擊魏虜王豹遂北擊趙代

魏王豹叛漢漢王謂酈食其曰緩頰

徐言也

往說之酈

生往豹謝曰漢王慢侮人罵詈諸侯羣臣如奴耳不

忍復見也酈生還漢王以韓信為左丞相與曹參灌

嬰俱擊魏魏盛兵蒲坂塞臨晉信乃益為疑兵陳船

欲渡臨晉而伏兵從夏陽

即魏少梁故城在陝西同州府韓城縣南

以木

罌渡軍

以木押縛罌並以渡也

襲安邑魏王豹驚引兵迎信信

遂窮豹傳詣滎陽

後漢王使豹與周苛守滎陽楚圍之急苛曰反國之王難與共守遂

殺豹信請益兵三萬人北舉燕趙東擊齊南絕楚糧道

王遣張耳與俱九月破代兵禽夏說

丁酉楚三年
西漢三年

十月韓信大破趙軍禽王歇斬代王餘遣

使下燕

韓信張耳擊趙趙聚兵井陘口

注見前

號二十萬廣武

君李左車謂陳餘曰信耳乘勝遠關其鋒不可當臣聞千里餽糧士有飢色樵蘇後爨師不宿飽今井陘之道車不得方軌騎不得成列行數百里其勢糧食必在後願假臣奇兵三萬從間道絕其輜重足下深溝高壘勿與戰彼前不得戰退不得還野無所掠不

陳餘事與宋襄
一轍宋襄不鼓
不成列而用人
於次雖之社陳
餘不用詐謀而
於刎頸交亦欲
得其首世特知
其迂謬而不知
其愚惡可笑也

十日而兩將之頭可致麾下否則必為二子所禽矣

餘嘗自稱義兵不用詐謀奇計不從左車策信間視

知之大喜乃引兵遂下未至井陘口止舍夜半傳發

選輕騎二千人人持一赤幟從間道葦山

葦音蔽藏
隱山間使

敵不見而望趙軍戒曰趙空壁逐我即疾入趙壁拔趙

幟立漢赤幟令裨將傳餐

小飯曰餐立
駐而傳食

曰今日破趙

會食乃使萬人先行出背水陳趙望見皆大笑平旦

信建大將旗鼓出井陘口趙開壁擊之大戰良久于

是信耳佯棄旗鼓走水上軍趙果空壁逐之水上軍
殊死戰不可敗信所遣二千騎者馳入趙壁拔趙幟
立漢幟趙軍已不能得信耳欲還壁壁皆漢赤幟大
驚遂亂遁走漢兵夾擊大破之斬陳餘禽趙王歇諸
將畢賀因問曰兵法右倍山陵前左水澤今背水而
勝何也信曰兵法不云陷之死地而後生投之亡地
而後存乎且信非得素拊循士大夫所謂驅市人而
戰之也非置死地使人自為戰彼將皆走尚可得而

用之乎諸侯皆服信以千金募生得李左車者解其

縛而師事之問伐燕齊何若

左車謝曰敗軍之將不可以語勇臣何足以權

大事信固請左車曰足下虜魏王禽夏說不旬朝破趙二十餘萬衆名聞海內威震諸侯衆庶莫不傾耳以待命然而衆勞卒罷其實難用今舉勸疲之兵頓之燕堅城之下曠日持久燕若不破齊必自強二國相持則劉項之權未有所分也為將軍計不如接甲休兵北首燕路發一乘一使奉尺書以使燕燕必不敢不聽從燕而東臨齊雖有智者不知為信遂用左齊計矣兵固有先聲而後實者此之謂也

車策發使燕燕從風而靡乃遣使報漢而與張耳行

定趙地

是月甲戌晦日食

十一月癸卯晦日食

隨何以九江王布歸漢

隨何至九江說黥布歸漢

何謂布曰大王與楚同為諸侯而北鄉臣事之者必

以楚為強可托國也夫楚雖強背盟約而殺義帝天下負之以不義之名今漢王收諸侯守滎陽下蜀漢之粟堅守而不動楚人深入敵國老弱轉糧進不得攻退不得解楚不如漢亦易見矣大王不與萬全之漢而自托于危亡之楚竊為大王不取也布陰許之未敢泄楚使者在傳

舍方急責布發兵何直入曰九江王已歸漢楚何以

李德裕以漢王
見縣布深得爲
馭英雄之術其
說非也踞床洗
足不過優侮故
習即飲食惟悴
亦屬招徠豪傑
之常即使有心
措置其見亦甚
鄙布本驪山之
徒赴不高而欲
易厭故爾輕喜
易怒如懷衛中
適自成其爲布

得發兵因說布殺楚使者而攻楚楚使龍且擊破之
布乃間行與何歸漢十二月至漢漢王方踞床洗足
召布入見布悔怒欲自殺及出就舍帳御食飲從官
皆如漢王居布又大喜過望漢益其兵與俱屯成皐
布使人至九江楚已
收布兵盡殺其妻子

漢遣酈食其立六國後未行而罷

楚數侵奪漢甬道漢軍乏食漢王與酈食其謀撓楚
權食其曰昔湯放桀武王伐紂皆封其後秦伐諸侯

滅其社稷今誠能立六國後其君臣百姓必皆戴德
慕義願為臣妾大王南面稱霸楚必斂衽而朝王曰
善趣刻印卿生未行張良來謁王方食具以告良良
曰臣請偕前箸為大王籌之昔湯武封桀紂之後者
度能制其死生之命也今大王能制項籍之死命乎
武王入殷發粟散錢偃革為軒草兵車軒朱軒謂廢
兵車而用乘車也
休馬放牛示不復用今大王能之乎且天下游士離
親戚棄墳墓從大王游者徒欲望咫尺之地今復立

六國從游士各歸事其主大王誰與取天下乎且夫

楚惟無彊

言無彊于楚者

六國復繞而從之

若六國立必復屈繞而從楚

大王焉得而臣之誠用客謀大事去矣漢王輟食吐哺罵曰豎儒幾敗乃公事令趣銷印

楚圍漢王于滎陽范增死

漢王謂陳平曰天下紛紛何時定乎平曰項王骨鯁

之臣亞父

項羽尊范增為亞父

鍾離昧

楚伯州犁居鍾離其後以邑為氏

之屬

不過數人耳項王為人意思忌信讒誠能捐金行間以

陳平此計乃欺
三尺童未可保
其必信者史以
為奇而世傳之
可勝一笑

疑其心破楚必矣王乃與平黃金四萬勛不問其出
入平多縱反間言昧等功多不得裂地欲與漢滅楚
而分其地項王果疑昧等及楚園滎陽急漢王請和
割滎陽以西為漢項王使使至漢陳平使為太牢具
舉進見楚使佯驚曰吾以為亞父使也乃項王使即
持去更以惡草具進楚使歸具以告項王果大疑亞
父亞父欲急攻下滎陽項王不聽亞父怒曰天下事
大定矣君王自為之願賜骸骨歸未至彭城疽發背

死

漢王走入關彭越擊楚楚還兵擊之漢王復軍成臯

楚圍滎陽益急將軍紀信

紀為齊所滅其後以國為氏

曰事急矣

臣請誑楚可以間出于是陳平夜出女子二千餘人

楚四面擊之紀信乃乘王車黃屋

天子車以黃繒為蓋裏是以為黃屋

左纛

毛羽幢在車衡左方上注之故曰左纛

曰食盡漢王降楚楚皆呼

萬歲之城東觀以故漢王得與數十騎出西門遁

周令

奇守滎陽

項王燒殺紀信漢王自成臯入關收兵欲復東

韓生

韓氏陳大夫韓壽塗之後亦或從京

說王曰願君王出武關羽必

南走王深壁勿戰令滎陽成臯間且得休息而韓信

等亦得安輯趙地連燕齊王然後復還滎陽則楚備

多而力分復與之戰破之必矣王從之

出兵宛葉間與黥布行牧

兵羽果引兵南王不與戰會彭越破楚軍

初漢王破彭越盡

亡其所下梁地往來為漢游兵至是度睢破楚軍下邳

殺薛公

楚將

項王東擊越

漢王于是復軍成臯

楚破彭越還拔滎陽及成臯漢王走渡河奪韓信軍遣

信擊齊

項王既破走彭越乃引兵西拔滎陽烹周苛

項王生得周苛

欲降之苛罵曰若不趨降漢當為

雲矣若非漢王敵也羽怒烹之遂圍成臯漢王跳

徒彫反獨出也

出成臯玉門

獨與滕公共車玉門成臯北門

北渡河宿小修

武

今河南衛輝府獲嘉縣有

武聚獲嘉古修武也自稱漢使者晨馳入趙

壁張耳韓信未起即卧内奪其印符以麾召諸將易

置之

信耳起乃知

漢王來大驚即令耳守趙信收趙兵未發者擊

齊楚遂拔成臯欲西漢使兵距之鞏

注見前

漢王欲捐

成臯以東而屯鞏洛以距楚鄴生曰王者以民為天
民以食為天夫教倉天下轉輸久矣聞其下藏粟甚
多楚拔滎陽不堅守教倉乃引而東此天所以資漢
也願即進兵收取滎陽據教倉之粟塞成臯之險杜
太行之道距蜚狐之口

蜚狐口在今直隸
易州廣昌縣北

守白馬之

津

注見前

以示諸侯形制

因地形以制敵

之勢則天下知所歸

矣王乃復謀取教倉

時漢王已得韓信軍復大振屯
小修武欲復與楚戰郎中鄭忠

說止王乃使劉賈靈綰渡白馬津入楚地佐彭越燒
楚積聚以破其業 劉賈漢王從父兄靈綰豐人與

漢王

同里

有星亭于大角

漢書天文志房南衆星曰騎官左角理右角將大角者天王帝坐廷

彭越下梁十七城楚復擊取之

彭越攻徇梁地下外黃等十七城項王聞之令大司

馬曹咎守成皐而自引兵東擊越所下城圍外黃數

日乃降項王欲盡阮之外黃令舍人兒年十三說項

王曰彭越彊擊外黃外黃恐故且降以待大王今又

阮之百姓安所歸心哉且從此以東十餘城皆恐莫

項羽生平所過
殘滅獨肯外
黃小兒之言所
謂曉人當如是
也使范增而在
有愧是兒多矣

肯下矣羽從之梁地俱復為楚

戊西楚四年
成漢四年

漢韓信襲破齊齊王廣走高密

今縣屬山東萊州府

先是漢王遣酈食其說齊王曰王知天下之所歸乎

王曰天下何所歸酈生日歸漢漢王先入咸陽項王

負約王之漢中項王遷殺義帝漢王聞之起兵出關

而責義帝之處

義帝弑于江中不知處所故責之

立諸侯之後與天

下同其利豪英賢才皆樂為之用項王有背約之名

有殺義帝之負記人之過忘人之功賢才怨之而莫

為之用故天下之事歸于漢王可坐而策也今又已
據敖倉塞成臯守白馬距蜚狐天下後服者先亡矣
齊王納之遂與漢平而罷守備與酈生日縱酒為樂
韓信引兵至平原聞酈生已說下齊欲止蒯徹曰將
軍受詔擊齊而漢發間使下之寧有詔止將軍乎且
酈生一士伏軾掉三寸之舌下齊七十餘城將軍以
數萬之衆歲餘乃下趙五十城為將數歲反不如一
豎儒之功乎信遂渡河襲破齊齊王以為酈生賣已

烹之東走高密使使請救于楚

漢王復取成臯與楚皆軍廣武

山名在河南開封府河陰縣北東連滎澤西接

水汜

項王之擊彭越戒曹咎曰謹守成臯即漢欲戰慎勿與戰項王已東漢數挑楚戰曹咎不出漢使人辱之

數日咎怒渡兵汜水

在開封府汜水縣西源出方山注于河

半渡漢擊

破之

盡得楚金玉寶貨咎及司馬欣俱自劉汜水上

漢王乃引兵渡河復取

成臯軍廣武項王聞咎等破亦還軍廣武

廣武有二城西城漢

所築東城項羽所築夾城之
間有絕澗斷山曰廣武澗

與漢相守楚軍食少項

王患之乃為高俎置太公其上告漢王曰今不急下
吾烹太公漢王曰吾與羽俱北面受命懷王約為兄
弟吾翁即若翁必欲烹而翁幸分我一杯羹項王怒
欲烹之項伯曰天下事未可知且為天下者不顧家
雖殺之無益祇益禍耳項王從之乃使人謂漢王曰
天下匈匈徒以吾兩人願與王挑戰決雌雄毋徒苦
天下父子為也漢王笑謝曰吾寧關智不關力

項王
三令

壯士出挑戰漢有善射者樓煩輒射殺之項王怒乃自披甲持戟出樓煩欲射項王瞋目叱之樓煩目不能視手不能發走還入壁漢王使間視之乃項王也大驚因與項王臨廣武澗而

語項王欲與漢王獨身挑戰漢王數之曰懷王命先定關中者王之羽負約王我蜀漢罪一矯殺卿子冠軍罪二救趙不還報擅劫諸侯入關罪三燒秦宮室掘始皇帝冢私其財罪四殺秦降王子嬰罪五詐阮秦子弟新安二十萬罪六王諸將善地而徙逐故王罪七出逐義帝自都彭城奪韓梁地罪八使人陰殺

義帝罪九為政不平主約不信天下所不容大逆無
道罪十吾以義兵從諸侯誅殘賊使刑餘罪人擊公
何苦乃與公挑戰項王大怒伏弩射漢王傷胷王乃
捫足曰甕中吾指因病創卧張良彊請起行勞軍以
安士卒王從之疾甚因馳入成皐

楚救齊漢韓信擊破之殺其將龍且虜齊王廣田橫自
立為齊王戰敗走信遂定齊地

韓信東追齊王楚使龍且將兵二十萬救齊或說龍

且曰漢兵遠鬪窮戰其鋒不可當齊楚自居其地戰

兵易敗散

顏師古曰近其家室懷顧望也

不如深壁令齊王使其信

臣招所亡城亡城聞主在楚來救必反漢漢兵客居

其勢無所得食可不戰而降也且曰吾知韓信為人

易與耳寄食于漂母無資身之策受辱于跨下無兼

人之勇不足畏也且救齊不戰而降之吾何功今戰

而勝齊半可得何為而止遂進與漢軍夾濰水

注見前

而陳信夜令人為萬餘囊盛沙壅水上流旦半渡擊

且陽不勝還走且喜曰我固知信怯遂追渡水信使
決壅囊水大至且軍大半不得渡即急擊殺且楚軍
散走齊王廣亡去信追北至城陽甯廣田橫以廣死
自立為王灌嬰擊走之

橫走梁歸彭越越時居梁
地中立且為楚且為漢盡

定齊地

漢立張耳為趙王

初韓信破趙請立張耳為王以撫其國漢王許之至

是乃立耳為趙王

耳子敖尚漢魯元公主
耳王一年卒敖嗣立

漢立韓信為齊王

韓信使人言于漢王曰齊邊楚反覆之國請為假王
以鎮之漢王大怒罵曰吾困于此旦暮望若來乃欲
自立耶張良陳平躡王足附耳語曰漢方不利寧能
禁信之自王乎不如因而立之使自為守不然變生
王悟復罵曰大丈夫定諸侯即為真王耳何以假為
遣張良操印立信為齊王徵其兵使擊楚項王聞龍
且死大懼使武涉

盱眙人

說信欲與連和三分天下

謂涉

武涉說韓信乃
將主命惟恐言
之不至蒯徹何
為者既說信破
齊使鄭生不免
受烹又說信背
漢致鍾室不終
臣節雖其議論
過武涉而傾危
禍人猶戰國策

信曰漢王興兵擊楚其意非盡吞天下不休且漢王不可必身居項王掌握中數矣然得脫輒背約復擊項王其不可親信如此足下雖以與漢王為厚交為之盡力然項王今日亡次即取足下足下與項王有故何不及漢與楚連

信謝曰臣事項王官不過郎中

和三分天下王之

位不過執戟言不聽計不用故背楚而歸漢漢王授我上將軍印予我數萬眾解衣衣我推食食我言聽計用故吾得至于此夫人深親信我我倍之不祥雖死不易幸為信謝項王武涉去蒯徹知天下權在信乃以相人之術相信曰相君之面不過封侯相君之

背貴不可言信曰何謂也徹曰天下初發難也憂在亡秦而已今楚漢分爭智勇俱困兩主之命懸于足下足下為漢則漢勝與楚則楚勝莫若兩利而俱存之三分天下鼎足而居其勢莫敢先動足下據彊齊從燕趙因民之欲西向為百姓請命則天下風走而響應矣蓋聞天與不取反受其咎時至不行反受其殃願足下熟慮之信曰漢王遇我甚厚豈可鄉利而倍義乎徹曰臣聞勇略震主者身危功蓋天下者不

賞今足下戴震主之威挾不賞之功欲持是安歸乎
信謝曰先生休矣吾方念之數日徹復說曰夫功者
難成而易敗時者難得而易失時乎時乎不再來信
猶豫不忍背漢又自以功多漢終不奪我齊遂謝徹
徹去佯狂為巫

漢立英布為淮南王

漢立布使擊楚布徇九江得數縣

仍都六

漢初為算賦

民年十五以上至五十六出賦錢人百二十為一算

治庫兵車馬

北貉

顏師古曰貉在東北方三韓之屬皆是也

燕人致梟騎助漢

胡三省注貉人及燕

皆來

歸漢

是月漢王令軍士死者更為棺斂轉送其家四方歸

心焉

楚與漢約中分天下歸太公呂后于漢解而東歸

時漢關中兵益出食益多楚軍食盡韓信又進兵擊

之項王恐會漢遣侯公說項王請歸太公項王乃與

漢約中分天下鴻溝

即河溝
注見前

以西為漢以東為楚九

月歸太公呂后解而東歸漢王欲西歸張良陳平曰
漢有天下大半楚兵飢疲今釋弗擊此養虎自遺患
也王從之

已漢五年是歲西楚亡 商周受命之年皆
亥以一歲而分繫兩代今于楚漢之際亦然

漢王追項籍至固陵

故城在河南陳州
府淮寧縣西北

籍擊敗之

漢王追項王至夏陽南止軍與齊王信魏相國越期

會擊楚至固陵不會楚擊漢軍大破之漢王復入壁
深塹而守謂張良曰諸侯不從奈何良曰楚兵且破
未有分地其不至固宜君王能與共天下可立致也
信之立非君王意不自堅且其家在楚欲得故邑越
本定梁地亦望王而君王不早定今能出捐此地以
許兩人

取睢陽以北至穀城王彭越從陳以東傳海與齊王信

越使各自為戰則

楚易破也漢王從之

漢王以齊王信魏相國越及淮南王布等兵圍項籍垓

下今江南鳳陽府靈璧縣東南有籍走自殺楚地悉定

垓下聚即漢高祖圍項羽處

漢王發使使韓信彭越至皆引兵來劉賈入楚地圍
壽春漢亦遣人誘楚大司馬周殷殷畔楚舉九江兵
迎黥布隨劉賈皆會項王壁垓下軍少食盡漢帥諸
侯兵圍之數重項王聞四面皆楚歌乃驚曰漢皆已

得楚乎是何楚人之多也起飲帳中悲歌慨

有美人姓

虞氏常幸從駿馬名騅常騎乃自為歌詩曰力拔山
兮氣蓋世時不利兮騅不逝騅不逝兮可奈何虞兮

虞兮奈何何歌
數曲美人和之

泣下數行左右皆泣莫能仰視于是

項王乘其駿馬從八百餘騎直夜潰圍南出馳走渡

淮至陰陵

山名今在江南和州北

迷失道問一田父田父紿曰

左左乃陷大澤中漢騎將灌嬰追及之項王引而東

至東城

故城在今屬陽府定遠縣東南

乃有二十八騎漢追者數千

人項王引騎依四潰山

在和州北石上有馬跡亦稱四馬山

為陳謂其

騎曰吾起兵八歲七十餘戰未嘗敗北遂霸天下今

卒困此天亡我非戰之罪也今日固決死願為諸君

決戰必三勝斬將艾旗乃後死于是分其騎為四隊

四鄉漢騎圍之數重項王大呼馳斬一將復斬一都

尉殺數十百人諸騎皆服項王欲東渡烏江

今和州有烏江

浦在烏江故縣東

亭長艤船待曰江東雖小地方千里亦足

王也今獨臣有船願大王急渡項王笑曰籍與江東

子弟八千人渡江而西今無一人還縱江東父老憐

而王我獨不愧于心乎乃以所乘騅馬賜亭長自

刎而死

漢將王翳取其頭楊喜呂馬童呂勝楊武各得其一體漢封五人皆為列侯

楚地

悉定獨魯不下漢王欲屠之至城下猶聞絃誦聲為

其守禮義之國為主死節因持項王頭示之乃降漢

王以魯公號葬項王于穀城

山名在今山東泰安府東阿縣東北

親為

發喪哭之而去

封項伯等四人為列侯賜姓劉氏

遣劉賈擊臨江王共尉虜之

初西楚所立臨江王共敖前死子尉嗣為王漢既定

楚尉不降乃遣劉賈擊虜尉

更立齊王信為楚王魏相國越為梁王

漢王至定陶馳入齊王信壁奪其軍已下令曰楚地

已定義帝無後齊王信習楚風俗更立為楚王王淮
北都下邳謂相國建成侯越勤勞魏民數破楚軍其

以魏故地王之號曰梁王都定陶

韓信至楚召漂母賜千金與下鄉亭

長錢百

曰公小人為德不竟召辱已少年以為中尉

告諸將相

曰此壯士也方辱我時寧不能死死之無

名故忍

而就北

殺

今日兵不得休八年萬民與

劉歆曰積日歟助辭

苦甚今天下

事畢其赦天下殊死以下

御批歷代通鑑輯覽卷十二